



REPUBLICA E SHQIPËRISË
PRESIDENTI

DEKRET
PËR
KTHIMIN E LIGJIT NR. 8805, DATË 17.05.2001
“PËR DHËNIEN E LEJES MINERARE SHOQËRISË
“ELBASAN CEMENT FACTORY” SH.A. NË ELBASAN”

Në mbështetje të neneve 85 dhe 93 të Kushtetutës,

DEKRETOJ

Kthimin për rishqyrtim edhe një herë në Kuvend të ligjit nr. 8805, datë 17.05.2001 “Për dhënie e lejes minerare shoqërisë “Elbasan Cement Factory” sh.a. në Elbasan”.

Tiranë, më 07.06.2001
Nr. Dekretit 3053



PRESIDENTI I REPUBLIKËS
REXHEP MEIDANI

Rehsep Meidani

*2 shk. ligjet
RE requested*

10/06/01

Rehsep Meidani
15.10.2001

**MOTIVIMI I KTHIMIT TË LIGJIT NR. 8805, DATË 17.05.2001,
“PËR DHËNIEN E LEJES MINERARE SHOQËRISË
“ELBASAN CEMENT FACTORY”, SH.A. NË ELBASAN”**

Të nderuar deputetë!

Ligjin nr. 8805, datë 17.05.2001, “Për dhënien e lejes minerare shoqërisë “Elbasan Cement Factory” sh.a. në Elbasan”, vendosa të mos e shpall por ta kthej edhe një herë për rishqyrtim në Kuvend, me synimin e përmirësimit të tij dhe të harmonizimit me ligjet e tjera që rregullojnë të njëjtat marrëdhënie juridike.

Me ligjin nr. 7796, datë 17.12.1994, Kuvendi ka rregulluar problemet që lidhen me dhënien e lejeve për shfrytëzimin e karrieraeve të ndryshme, ku janë parashikuar një sërë procedurash si dhe afatet maksimale të këtyre lejeve. Kështu, në nenin 69 të ligjit të sipërcituar është parashikuar që afati maksimal i lejeve të shfrytëzimit të karrieraeve nuk mund të jetë më i gjatë se 10 vjet, me të drejtë ripërtëritjeje çdo vit sipas procedurave që parashikon ky ligj. Ndërkohë, me ligjin nr. 8805, datë 17.05.2001, Kuvendi kapërcen zbatimin e këtyre dispozitave të miratuara nga vetë ai, pa krijuar fillimisht hapësirat përkatëse në ligjin e mëparshëm në fuqi dhe jep zgjidhje të tjera, duke vepruar ndryshe nga dispozitat më të përgjithësuara në ligjin minerar.

Duke njohur dhe respektuar të drejtën e Kuvendit për të bërë rregullime ligjore në përputhje me Kushtetutën, nuk mund të mos vë në dukje se duhet të jetë vetë Kuvendi ai që përputh e pajton sa më drejt ligjet në fuqi që ka miratuar. Nëse Kuvendi do të gjykojë se në raste të veçanta mundet që afati maksimal i dhënies së lejeve të jetë mbi 10 vjet, një vullnet i tillë duhet të gjejë pasqyrim të ligjit bazë që rregullon këto marrëdhënie, e konkretisht duke bërë amendimin e nenit 69 të ligjit minerar të vitit 1994, me qëllim krijimin e hapësirave ligjore për të realizuar një vullnet të tillë. Në të kundërt, ekzistenca e dy ligjeve që rregullojnë të njëjtën marrëdhënie në mënyra të ndryshme mund të sjellë konfuzion dhe orientime të ndryshme në zbatimin konkret të tyre, në përputhje me standartet bashkëkohore të shtetit ligjor.

Duke shpresuar në mirëkuptimin Tuaj,

**PRESIDENTI I REPUBLIKËS
REXHEP MEIDANI**

[Signature]
17.10.2001

[Signature]